

續修四庫全書



《續修四庫全書》編纂委員會編

# 續修四庫全書

上海古籍出版社

一六三〇・集部・總集類

晚晴簃詩匯二百卷（卷四十一至卷八十三）

徐世昌輯

.....一

晚晴簃詩匯卷四十一目錄

彭孫通 十四首

倪燦 一首

張烈 一首

汪霖 二首

喬萊 三首

王頊齡 六首

李因篤 四十一首

秦松齡 十九首

周清原 二首

徐嘉炎 四首

陸萊 八首

馮勛 一首

錢中諧 一首

汪楫 十四首

袁佑 二十七首

湯斌 四首

邱象隨 五首

晚晴簃詩匯卷四十一目錄

晚晴簃詩匯卷四十一

徐世昌

彭孫通字駿孫號羨門海鹽人順治己亥進士康熙己未召試博學鴻詞第一授編修官至吏部侍郎有松

桂堂集

尤西堂曰羨門瀛臺賜宴詩七言一百韻盛矣麗矣使人茫乎望洋向若而歎然細尋之敘次周浹首節避三舍何況餘子王漁洋曰南昌重建滕王閣落謂劉文房郎君曾無以過也又題湖口向日湖光盡日依樓堦山色終朝滿縣城亦足寫照沈歸愚曰羨門詩詞氣和平在唐人中最近大厯十子在十子中最近文房

詩話羨門幼慧七歲詠鳳雛神童既成進士為推官罷歸已未大科名第一集中有寄內詩云小壘紅箋寄語頻橫雲初破遠山響玉宸昨夜親承詔夫婿承恩第一一人可見一時聲譽之盛晚年歸里嘗與子姪

晚晴簃詩匯卷四十一

九日登高賦詩得句云平生幾兩青山屐更不登臨奈老何觀者訝其衰頹不久謝世早年詩有南淮集才氣如蘭每當十郎輒自愧伯父

松下遣懷

秋意日寥廓暝色散微雨高風天外來吹我孤松樹翻然落空翠澹與雲陰互杳冥寒濤生微聞滴香露幽人巖石間抱此物外慕庶幾歲寒心聊以保遲暮

雨中過白芒村寄高山人儼

春陰生驟寒谿上無人蹟石筍清相羅翠煙紛可摘欲持三尺絹寫此春山碧卻憶山中人遠在龍池宅惆悵不同游白芒風雨夕

野田行

荒城日落生愁霧白骨青燐亂無數山河興廢多戰場宿



草淒涼泣狐兔悲風瑟瑟起白楊牛羊成羣上古墓人生  
諒無百歲壽焉知生樂與死苦朱門華屋未解憂請君試  
出野田路

越谿行

越來谿公莫渡行人隔水呼喚頻舟子掉頭不肯顧波平  
如掌帆不前碧湖澄靜生寒煙縣官封船供應急經今一  
月還復然公家用物有定數民間那得知其故日日官船  
進女城依然船數不加盈昨聞大師至已泊南濠隈太守  
親自出平明騎馬來官來猶自可兵來烈如火刀裝小  
舠人馬乘大舸越來谿公莫渡捉船未已還捉人勸君漫  
出城西路

陳白沙草書歌

晚晴移詩匯卷四十一

白沙先生名早聞手擲青山歸白雲陳情上擬李令伯講  
書欲方吳聘君晚年信手作大字落筆縱橫有奇致何必  
規規王右軍淋漓時復成高寄世人好古如好龍可憐識  
見多雷同豈知草聖固餘技相賞不在翰墨中

西洋琥珀酒船歌

海外良工擅奇思酒船制作窮珍異滑稽足傲鴟夷形淋  
漓可使淳于醉宛轉玲瓏二尺長鏤金錯采巧莫當文珠  
作窗玳瑁屋白銀爲蓬珊瑚檣酌酒五升帆半起峽船始  
發春江裏引壺注滿飽欲張蓬蓬已可行千里長年三老  
毛髮動鬚眉颯颯笑相視綺疏啟處中有人皎若芙蓉照  
秋水須臾酒竭帆亦收回看堂上惟虛舟機緘動止那可  
測見者疑同神鬼游此器徒聞出西域估客新從舶中得

由來奇巧汨人心不脛還能走中國對之三歎謝賈胡匏  
尊一酌足自娛居奇漫直十家產適用豈若千金壺投珠  
抵璧當代事雕鏤無益何爲乎

張都尉畫馬歌

汗血不出世但聞西極來披圖忽見渥洼產籊雲逐電相  
縈迴立者驤首欲一鳴障泥未解猶徘徊走者勢如風雨  
至馳驟百里無纖埃其餘數匹飲或齏一一神駿非凡材  
問誰擅此化工技逸足天閑妙無比只今都尉最得名不  
讓當年韓與李都尉生平本將家前朝曾領上輕車身親  
百戰竟何益白頭歸種東陵瓜早歲壯懷時吐露伏櫪雄  
心見豪素平沙漠漠落日黃馬首猶然蓄餘怒嗚呼黃金  
之臺高突兀冀北之良恣超忽龍媒當世豈合無昭王已

晚晴移詩匯卷四十一

往九方沒惟看阪上服鹽車誰向圖中求駿骨

維揚客舍送雲客兄北上子時亦有南越之行

湖水平隄炎雨歇風吹楊柳權歌發居人情重遠相送君  
向長安我游越鼓枻中流自此行方舟並渡江浪平驛燈  
夜泊雲陽郭戍火朝明鐵甕城廣陵到日停舟處南北迢  
遙各異路代馬還嘶塞北煙越禽自託天南樹只今已見  
鯨鯢戮薄海銷兵佩黃犢時清豈合樂邱園親老還須營  
斗祿日下翱翔多故人紛紛先據要路津致身遲速各有  
會莫以外吏傷沈淪酌君卮酒君努力前路悠悠漫成憶  
庾勝山頭少雁飛燕昭臺上空秋色驪駒催發不可留後  
會須經春復秋兄弟相思五千里江湖此去一孤舟

望西山

太行千里脈疊嶂擁關門一雁分秋色雙雕落曉痕迴峯  
沈日影飛瀑洗雲根望望空歸去幽奇好細論

當湖道中

夕眺高樓上林暉竟日清獨山秋戍冷三柳暮潮生漁火  
中流見鷗波永夜明蘭橈須小住煙月正多情

白溝渡

渡頭沙草白離離過客停驂日暮時古戍煙荒吹野火寒  
鴉風急戰枯枝河流遠合渾沱水驛路中分督亢陂欲問  
霸圖銷歇盡朔雲千里不勝悲

望岱

玉簡金泥隱祕文至今佳氣積氤氲中天盤礴崇朝雨千  
里輪囷大澤雲欲叩山靈探漢策遙披香霧禮元君時清

會有云亭典封禪遺編若箇聞

景州

城上風高白颭沙行人徙倚聽悲笳北連紫塞三千里南  
接青齊十萬家暝色一行迷去騎寒天數點沒殘鴉年來  
隨計燕山道幾度經過感歲華

秋日登滕王閣

客路逢秋思易傷江天煙景正蒼涼依然極浦生秋水終  
古寒潮送夕陽高士幾回亭草綠梅仙一去嶺雲黃臨風  
不見南來雁書札何由達豫章

倪燦字闇公江甯人康熙己未召試博學鴻詞授檢討

詩話聞公晚達初中副車歷廿七年始獲鄉舉尋舉  
鴻博授館職當時同舉五十人修明史升擢遷謫相  
繼始終其事者寥寥晨星闇公在館凡九年為最久  
勤於編輯工書法常被詔作行草大書及小楷皆稱

旨其詩傳者不多

送喬文和之劍州

渝峽遠通涪萬水嘉陵險接閬中山分符刺史初行部舊  
語參軍正解蠻糧布芋田徵稅薄青松白鶴訟庭閒他年  
更奏殊方績應在文翁伯仲間

張烈字武承號莊持大興籍東陽人康熙庚戌進士官

恩平知縣還內閣中書己未召試博學鴻詞授編修  
歷官贊善

自恩平還東陽途中作

嶺南解組一帆孤百粵山川入畫圖斫鱸盤堆沿路好持  
螯興發此間無吟詩路近滕王閣看月舟停彭蠡湖貧宦  
歸來書滿篋擬將詞賦走皇都

汪霽字朝采錢塘人康熙丙辰進士官行人己未召試

博學鴻詞授編修官至戶部侍郎

喜王露渭至自三峽

經時三徑為誰開乾鵲聲中屐齒來久客奚囊多舊句貧  
家尊酒只新醅不妨小住為佳爾相顧狂歌亦壯哉晚節  
最諳泉石味雲林深處好追陪

曾向南天把酒卮飛揚意氣更誰知千秋燕市悲歌侶一  
卷松陵唱和詩海荔乍殘人散後江楓初老雁來時釣龍  
臺上還山約及此幽尋也未遲

喬萊字子靜號石林寶應人康熙丁未進士己未召試

博學鴻詞授編修歷官侍讀有使粵集

詩話石林爭開潘海口新河竟寢其議為時所稱因  
之遺忌罷歸尋又召居京師亦因畫語也詩有雄直



氣篇什甚富而自沈歸愚時已以不見全集爲憾今則流傳愈罕矣

過應山弔楊忠烈公

嗚呼有明神宗之季國旣危光宗繼之更短折維時先生官給事顧命乃與大臣列防微肩鉅定大計選侍移宮一朝決再起中丞赴雙闕大柄已被閹人竊乾兒義孫滿廟廊二十四罪憤所切赤縣爭高宦者祠形庭徧染中丞血詎有焚賊楊大洪舍人甯死心如鐵或言漢之廚顧潔其名唐之牛李營其穴宋之洛蜀明東林黨禍紛紛蹈覆轍封疆已被門戶誤遂議先生太激烈我謂此言殊不然藉口保身附明哲假使當年稍煥嬰張禹孔光更何別君子豈能誤國家目爲黨人正氣絕嗚呼正氣絕國乃滅

下灘

晚晴移詩匯卷四十一

六

湘南三月湘水生馳波跳沫空江鳴礚礚亂石互江面險如瞿塘濫湏誰能攫我聞就下水之性豈樂與石相排爭清流何爲輒暴怒鼎沸勢欲蒼厓傾其如灘石太嶮巖橫排曲扼眞難平色竿之船薄如紙左旋右折中流行柁師自許識趨避到此亦覺心魂驚十里五里在俄頃回頭不見丹峯橫一灘纔過一灘至到耳總作奔雷聲縱然賦命果窮薄毋乃太視波瀾輕

湘口

雁叫猿嘯不可聞零陵風雨正紛紛三巖明滅瀟湘合三水瀠洞楚粵分縱目好看靈嶽樹落帆猶帶隱山雲探幽更向愚溪去野性偏宜鷗鷺羣

王頴齡字顥士一字容士號珥湖晚號松喬老人江南

華亭人康熙丙辰進士官太常寺博士己未召試博學鴻詞授編修官至武英殿大學士雍正癸卯重宴

鹿鳴加太子太傅贈太傅諡文恭有世恩堂詩集

詩話文恭弱冠卽負詩名其父農山侍御弟薛澱儼齋一門之內人各有集世豔稱之爲詩規樞三唐不踰尺寸謹守法度中仍以閱博勝侍從經筵垂三十年故集中多感遇紀恩之作耄歲乞休賜詩跡與松喬合心緣歎伏留

因自號松喬老人

九日登查山

仙山突兀海雲涼令節登臨石徑荒雙屐健尋瑤洞草百年歡對菊花觴金隄乍築蛟龍偃玉笛橫吹鴻雁翔更喜樓船休戰伐漸看稻蟹足江鄉

送田遜菴少宗伯冊封靖藩使竣還朝

朱邸開南服丹書下帝閭周屏崇呂伋漢柱重田郎冊授

晚晴移詩匯卷四十一

七

容臺長符分異姓王皇華今攬轡藜杖舊騰芒天祿尊劉向儀曹得李剛雙鋒辭北闕八座出南荒鼉岫楓初暗螺江水正長風陰蕉葉嫩雨熱荔支香鳥道通冠蓋蠻方識袞裳授圭璫虎節負弩拜龍章客對梁園月醴陳楚國觴名藩叨雨露使節凜冰霜去擁相如傳歸輕陸賈裝吳山堪歷覽越水暫徜徉孔李通門舊荀陳德曜光旌麾欣左顧雞黍愧方將遠近驚星使殷勤話草堂山川歸太史風俗紀江鄉去鷁秋濤迴迴轅阜蓋張三台原北極照耀紫微傍

寶珠洞

濟勝芒鞋健窮幽古洞探奇松穿石罅絕壁插精藍鐘鼓諸天靜風雲半嶺含蕭然塵世外應愧此瞿曇





不敏庶幾行役亦不遠歲時甯久違病妻扶下牀相視首  
蓬飛謂我當引邁有淚不敢揮

弟從母側來再拜投一竿征駒鳴前庭擔負已出野僕夫  
前致辭冉冉西日下要當慷慨去不覺淚如瀉兄言勤門  
戶弟言慎車馬

小子復牽衣歧路含百慮不知行何方強欲借我御念當  
遠乖離那忍揮之去悲哉游子吟斯須哀樂具中懷如懸  
旌搖搖不得住依依天屬親撫事愧童孺

永明奇后閣謁九蓮觀音爲神宗母孝定李太后恭  
製長歌

太行西北山北來中有凌空之高臺月挂蒼巖龍虎嘯雲  
生赤磧風雷哀千松萬松立窈窕十步五步行徘徊縱目

晚晴詩匯卷四十一

十

清涼在霄漢振衣靈鷲逼蓬萊鷲嶺後閣屹如峰九蓮閣  
中瞻聖容莊嚴具足得未有草莽何知爭爲恭炎山忽飄  
孤嶼雪靜夜時落翠微鐘秋色蒼茫弔餘址夕陽明滅懷  
故封神宗垂拱五十載太后齋居多光彩內啟祠嘗恩不  
遺旁搜象教力仍逮五臺禪龕近京輔兩宮敕賜兼鼎鼐  
時移物換凋碧梧簌冷灰飛逐滄海出門惟睹白雪飛澗  
水松風聽不違攀弓抱劍悲相向鶴駕鸞旂久未歸此剎  
翻同靈光在他年彷彿魂魄依君不見畫壁金鋪光照眼  
貝花隱隱發靈機

秋興

使節臨東路軍糈及兩關江湖輪輓闊部領度支閒水長  
飛狐口峯高落雁灣壯游違舉步秋氣苦催顏

鎮朔城爲驛傳郵吏攝防兩河衝市暗羣草漫山黃犢挂  
新耕壘鶯囀古戰場抱關遭所識曾與賦東光  
復戶人誰是開荒野自如中原無竄草太府出新書帳聚  
羣羌合煙移比屋疎每懷寬大詔重賄塞垣初  
地下高田晚谿明暗水饒羽書時有至雷電日難調廣武  
懸軍薄居庸遞馬遙客居逢歲儉林壑畏風颺

重憩雁門關

霓旌天半護烽臺鳥道雲迷望或開水擁南河吹日轉門  
迎北斗過關來秦城萬仞徒空說漢騎千羣莫漫猜自昔  
禁中煩拊髀將軍尤亟守邊才

遙嶺哀笳走塞陰磧亭搔首一沾襟羽書迢遞傳西北營  
壘淒涼閱古今煙繞游絲春色澹樹連飛翠夕陽深椎牛

晚晴詩匯卷四十一

十

射虎懷前史野廟殘碑入故林

得澄一書

春渚曾先雁北征旅途歸翼早長鳴書來塞上逢霜信客  
在天涯對月明長俟河清憐趙壹漫嗟蘭馥怨張衡飛飛  
預說來時道雪壓關山十日程

寄懷楊太舅白石先生

開元以降南雅墜五百餘年北地興步曹躡劉自跌蕩凌  
鮑蹀謝何峻嶒此時風氣首關內河岳翕然同向背壯藻  
許西嘗競發新聲鄂杜共酬對三子共擅宏德名五星重  
瞻井鬼會最憐胎簪稱俊逸猶嘉昌穀絕倫輩後來宮商  
頻動客天下傾耳待黃鐘援古特立漢京幟縱談曾標騷  
賦宗厯下初難離阡陌瑯琊晚亦夾元白哀思一變爲楚

聲秀令千秋墮唐格遂有光祿起經學同時孝廉推詞伯  
野卧微綸久寂寥公車老死空烜赫未見侯芭前卒業稀  
聞羊陟過相索先生游處兩公間迴若片雲秋在山興至  
不羈紅塵色吟成實助白雪顏返寄曠攬愜攸託杜陵崆  
峒非查廓郡乘已舒五馬驂私田翻較諸生薄鮑叔仗義  
多賙給陶公辭榮竟一整傾家結客乃徒然閉戶攤書聊  
足樂予溯淵源遵自出半生零落不具述惟桑與梓每繫  
懷澗曲雲亭增洞涵咫尺東里尚書莊張公嶙峋南川太  
宰坊孫恭介公侍御直聲追賈董楊忠介公中丞古調逼盧王李公  
從遭兵戈盡散佚況復行役愁蒼茫恆嗟人倫違有道竊  
幸戚黨及中郎世儒舉細遺者洪苛議悠悠挂英雄羣兒  
疇昔輕韓信刮目誰今識呂蒙丈夫不早封萬戶華髮可

晚晴移詩匯卷四十一

三

憐傲章句鼓笳屢沸屬國煙丁壯宿沈江湖霧舉帆遲擊  
祖生楫眞詰且傳宏景注北巖太白晝垂鉞中宵機槍占  
失度行窮桃棘傲蟋蟀坐感蒹葭繁霜露夢裏猶嬉俎豆  
家征途暫委諸侯路恭爲所親歌大臺努力加餐慰遲暮

寄朱學士滄起先生

宗邦懷舊德蟋蟀久悠然一老祝融裔千春姑射仙人才  
推正始物望待承邊試問甘蔬食禪栖四十年

程義士嬰墓

國士蒸嘗閭孤墳意外逢碧生沿郭樹寒徹下方鐘谷勢  
包甯武河流撼秀容郡人疏掌記遺恨滿西峰  
藉地愁無似憑高淚不窮古渠移數壑新雨落雙虹故國  
浮雲外中原蔓草中亂餘憶黃綺流汗浹臣躬

良鄉

王畿千里餘赤縣首三輔佳氣來閭闔去天如韋杜古時  
封內地多以蕃同譜凡溫及應韓歷歷皆可數朔風日暮  
急慘淡過戎伍二南有遺澤流恨兼今古附海無細波附  
岳無卑帖所以封泰山嘗先禪梁父約略計斯城初不下  
萬戶胡爲兵戈中築堞失完土還聞東土人據地列田圃  
自云託國家一一皆肺腑大兄侍中郎中兄司鹵簿季子  
未拜恩鮮衣纏華組安坐召縣官促裝揖州府還家自生  
光道上人如堵兼金舊絡馬百寶新裝弩貂首大秦珠可  
充千萬估牛羊盈其門珠玉盈其廡堂上斗酒會健兒鳴  
鐘鼓大婦工錦瑟中婦歌金縷小婦貴家子徐徐調鸚鵡  
吾欲終此曲此曲聞者苦長安連狹邪日月通前浦

晚晴移詩匯卷四十一

三

侍御鶴沖金公死難詩

朔風吹高林頽浪日東逝亂起如于風他心何可制當年  
金直指受命亂軍際破產捍危城捐軀先自誓所志無依  
違天階有崇替追攀三月弓一體殉先帝城下洞灑水湛  
蘭清且厲蛟螭不敢游雨雪常相蔽身前有君臣身後有  
伉儷侍御畢命後夫人投綬姪婦附祀得三墳纍纍還相  
擬嗚呼板蕩初麟獲傷反袂懦愚務苟隨翻覺生死細丈  
夫重末路吾道觀衰世要當去取明底論謀不濟下馬拜  
斯人關河空灑涕爲賦大招篇自投流水滌春秋燔骨蕭  
吉日迨邦祭放悲靈之來神哉般流涕其下若風馬北來  
行甚銳默坐眺八鄉奚須環奇麗四圍春草生千載哀湍  
閑死者長已矣存者德音繼吾愛孝廉公謂侍御猶保孤



存本系嬰杵獲同心幽明事一例況復故司徒侍御父司農公爲奉先令至宗邦多遺惠徹廬咫尺間聞政如魯衛直指西巡狩秦天一再霽至今共伏臘先後垂棠碣悠悠吾所思乃在江海裔從泣戰城南美人空迢遞茫然登斯祠慷慨感深詣澄波既終古皎月無年歲白雲著爲堂嘉夜著爲砌東西植梧桐左右種椒蕙上有雙鳳凰飛鳴何嘒嘒寄謝後來人聞風同勛勵

奉答約生表兄聞余過軍都

二雅淪胥久諸陵陟降懸書同西狩日客在北征年舊德留鄉社中人食祭田感君歌有淚遙灑白浮前魯衛無公族松楸有故枝尙懷行露意空及采蘩時歲久愁風雨天高冷夢思白雲俱不返遺恨鼎湖詩

晚晴夢詩匯卷四十一

席上呈傅徵君

江海英風老漸疎菊松高枕送居諸野航慣載看山屐春帖曾無乞米書燦燦紫芝存古調番番黃髮長朋車免爰中谷遙迴首蝴蝶莊生各有初

韓侯嶺

古屋荒林落照催高歌酌酒獨徘徊苔嘗印虎秋還肅柳只嘯鴉晚更哀敢謂蕭曹皆有命愁同召呂一論才太史公云假令學道謙讓於漢家勳可方周召太公之徒後世血食矣翻留血食村翁社不爽明禋過客杯

長至前二日同右吉翁山陪曹秋岳先生宿雁門關

卽事四十韻拈玉樹凋傷楓樹林之句分調字

使者歸旌近雲州去路遙部間催櫪馬關下緩星軺折簡

俱相及披裘各見招佳人蒙夙契勝友得聯鑣野澗派溪水派音孤風深荻岸橋荒陣依戰伐晚景媚漁樵漸蹴雙崖底平臨萬仞標羊腸盤紫塞鵠卵插青霄日暮冰霜積年豐伏臘調人家留成壘供帳設山椒惜別寒溫略哀時比興饒安危甯異想駕馭不同條天眷垂西顧民生脫大僚時新推秦晉翻疑開府節只數侍中貂甸國奚芳藹江雲竟寂寥先移浙掄才喧此地授鉞憶先朝水旱紛猶昨兵戈鬱未銷廟謨多慘淡公等尙風飈事豈和衷得恩將使過要輿情違坦坦物論付囂囂半壁功誰就諸羌蠹自挑祁連猶舉火瀚海未通潮治化同緣木乘除比夢蕉薄言秦駟鐵遺恨漢嫖姚時西塞撫跡懷難盡更端客重邀壺觴移短榻榮戟壯寒宵地隘霑行騎山高響麗譙聞詩

晚晴夢詩匯卷四十一

五

矜越絕藉草出江瑤靜覺微薰轉頻添畫燭燒醉來吟不次辭去卧無聊素志蹉跎失朱顏積漸凋空餘餐菊蕊悔不學松喬已任顛毛換遲論髀肉消異方廿雙伏吾道總萍漂隔屋分旗鼓開窗逼斗杓健兒村外宿飢虎夜深驕奔陸迴長馭和義近蓼蕭臨歧愁偃蹇後約待清韶執手晨光發登車驟雪飄他年煩太史永紀雁門朝

登代州白人巖因飲孫園

萬仞懸孤嶂雙崖劃一門好人多在野春水自依村雨走空天角松藏老石根危梯攀古洞彷彿說桃源只覺前崖好何人並結廬巖光倚薄香閣靜合虛法境清涼外人煙戰伐餘因聲寄運社吾志在山居

舊年甯人先生以無妄繫濟南走書報我觸暑馳視

苦疾作辭還先生寄贈行三十韻詩春日晤保州重會薊門奉答前詩廣五十韻

卧病三秋色懷人五岳情涼颼吹夢起啄雀喚愁生客返  
關中路書傳歷下城客秋有鄉人至自濟南拜先生書倒衣初罷枕垂涕  
復沾纓巷伯詩難讀梁園獄已平長吟歸黯淡別緒鬱縱  
橫憶折前津柳同炊古寺羹前年與先生同客慈仁寺予先別去有孚謀且  
室無角兆先成遠道兼葭隔周行坎吝并莒萊矜野語虞  
芮亂囂聲詠起因小人歛權江波大潛揚海汐輕時訟牘人用已結羣疑紛所出眾口浸多驚智勇微夫子艱危詎  
此行奮身甘下吏微服恥為氓易彖繇斯助騷歌比類明  
經旬喧地圾舉國丐天晴時地震淫雨節至通蘋藻先生在難不廢時祭  
愁來憶弟兄曾要肝膽契況忝雪霜盟草茆虛炎月雲高

晚晴簪詩匯卷四十一

六

隱暮旌罷呼燕市酒過決薊門程戍角迷丹嶂河陰護綠  
蘅崩隄頻淖馬廢塢剩聞鶯水旱憂兼劇誅求慘自鳴時道多施亡別  
此邦哀瑣尾何室厭香橙觸目難俱述驚時已  
漸更馳聞瀛隰盡頗喜岱嵐迎膏沐誰追理壺飧欲就傾  
畏途晨上謁羈邸夜班荆續燭探行笥聯牀做外楹年華  
窮不減日錄老逾精先生時成日恨失登山約嗟為抱甕  
貞徘徊違魯賻劉六茹新故遲近合秦箏鄉人聞天木閣未能在中  
彷彿滄溟泉憐躑突清有白雪樓狂濤終砥柱直道益崢  
嶸旅食悲寒及歸舟阻潦盈依然垂橐去率爾采薪嬰左  
次才彌拙西還意若醒貧非荒竹徑渴豈募金莖急難賸  
良友端居惕遠征寸心如瀉落中夜幾屏營自得分魚素  
空教怨鹿萃川原仍獨往伏臘互相衡甫定他鄉榻俄從

上日觥先生以二好音隨杖履佳會足公卿律轉堅冰解  
春迴早并榮斂才期近物逃俗勵修名忽復追鞭弭還來  
過帝京每詢邛邑樹誰薦寢園櫻時在進履耽逢石將詩  
悚報瓊雍田關華好為耦待躬耕華山卜築之約

酬程五周量

夙昔傾程蓋乾坤判楚才時屈翁山寓程宅迷方良夜雨薄祿故  
人杯旅舍逢湯沐離宮入草萊前秋合歡扇一傍月明開

潼關

雲薄關門紫氣長帝樞曾此撼巖疆河經百二開天地華  
枕西南鎖雍涼戍火忽移函谷月征車多帶灞亭霜舊京  
蕭索垂千載飛輓何繇接巨航

望嶽

晚晴簪詩匯卷四十一

七

太華三峰列峻屏晴霄飛翠下空溟曉雲東抱關河紫秋  
色西來天地青玉女盆中寒落黛仙人掌上接明星亂餘  
林壑懷遺客縹緲幽棲賦采苓

贈高大扶南

大雪同辭漢苑鐘微霜已帶楚天松長臨玉樹憐車騎獨  
傍青雲美仲容雨散遠林明薛蕙江高秋水縱魚龍促裝  
聯榻經寒夕春酒杯浮琥珀濃

高歌行 寄程穆倩

江城正月黃鳥鳴有客清晨呼柴荆相見乃吾故人子朗  
如瓊樹玉山行別時五尺今八尺三載騰驤游公卿長跪  
起居動有禮藻華丹篆輝前楹我亦再拜讀來札高江波  
濤同激發自云流寓老益困中復採薪相摩夏鹽澤汗血



反蹉跎魯門鷄鵠誰識察忍餓恥爲稻粱計哀鳴徒仰霄  
漢刷往者邛溝嗟賃春豪家睨視薄其傭陋巷經旬覆土  
銓僧寮伏枕餐新松解質未敢惜長劍厄羸無時違短筇  
形隻影孤窮安詣獨君橋梓數過從君有長歌二千字兩  
京板蕩須臾事薤露傷逝足慷慨青蠅惡讒橫涕泗光芒  
過飛追停吟微羽數變始滿志太和協律迴奇絕長慶尙  
書何縱恣昔君早與吳橋游漳海清江俊及流回首太阿  
倒奄豎蔓延關雉鳴鶴九鼎卒移朋黨禍微霜深中杞  
人憂禮失在野此最近詩亡於近將焉求晚年駘蕩竹西  
久高卧何如鹿皮叟時湛彩筆拂雲煙徧搜遺文盡蝌蚪  
大鏞石鼓忽同几犀劍環刀常在肘籍書韻跡出爭持丞  
相中郎藉不朽琳瑯徑寸輕千緡約取猶難庇汝身貴戚

晚晴錄詩匯卷四十一

六

當前況辭謝貧交接踵如飲醇未攜一絲坐相索傾帙堆  
案皆所珍豈但室中生交謫鄰翁竊笑童僕嗔薄俗逐聲  
寶康瓠黃鐘遺棄人罕顧山陽遂以工鍛聞正字終須碎  
琴去滄洲躊躇獨往願白髮磬折諸侯路北眺故園隴樹  
深東來春水江花暮卻送之子江之隅輕舟漾日歸東吳  
內省殊慙報瓊玖相思且欲凌碧蕪夙知用拙見天性何  
必雕蟲非壯夫片帆若訪曹秀水爲道蒼生望重蘇

答友見錫鬯垂示山左見懷之篇

燕市陳情客未還故人相見慰愁顏曾遲劍易京華外前  
歲至京值錫兄  
客通州未及臨  
卻賦榛苓海岱間存沒諸公皆斷梗亂離  
九塞各嚴關尙須前箸呼閭闔西望白雲何處山

陳情後投上家高陽相國

聖代垂裳日宗臣秉軸年安危殷獨倚作述儼相宣國體  
光凝命家聲協象賢謂先相國先公堂載闢舊德史爭傳我李  
貽謨大生民肇祀虔仙源遙溯隴望族久推燕履傍星辰  
切膏蒙雨露偏沛豐原近漢章杜並依天奮翮郎山迴濡  
毫易水妍雅音兼宕激經術飽騰穿制策留深殿圖書賜  
祕篇然藜堪炳閣發篋似流泉屢冠清班采平登上相躔  
黑頭人競識黃髮卷彌堅正色羣僚右和衷獨座邊雍容  
瞻物表敏捷洞幾先左序鐘初徹東方旭未延極宸森列  
仗閭闔靜鳴鞭特詔趨承謹當時應對專至尊頻造膝長  
日數移塵漸睹皇威霽難聞密語懸輪誠通肺腑布澤滿  
陬垻往聚黔池甲俄高楚塞煙飛輪連棧騎剗障截江船  
駭落狂濤莽歡來急羽駢奔猿甯假木涸鮒已盈筌勝算

晚晴錄詩匯卷四十一

十九

揮師次英謀授廟塹那須名出己眞少議隨肩惠洽雕題  
外功論汗馬前珥貂開七葉端珮領三蟬粵徼遲湮壘滇  
陰且控弦敢求湯沐暇遑恤鬢絲鮮託契乎魚水賡歌靖  
鎧鏃剛逢戎事肅早覺聘車聯小子何能賦愁吟亦可憐  
總知窮自悔奚補壯多愆夙譽饒虛竊僉詢歛謬然苦辭  
明發駕終挾遠游旣勢迫違慈母途歧戀別筵雪霜身契  
關河海淚潺湲卸橐秋將暮居亭地屢遷炎暉行處猛夕  
月幾回圓抱病仍趨闕臨軒勉受箋濫分倉庾米叨給度  
支錢窘藻雖同及溫綸乃下詮爰忘達戶陋竟備石渠員  
乞養要無已孤恩信有焉迴頭雙華阻舉目五雲連所持  
繁瓜瓞還勞比葛縣恭期致堯舜錫類許矜全

邊上

蕭關城堞望中分，鹿苑干戈道上聞。野霽卷蘆吹白日，霜清驅馬下黃雲。征西盡撤三千戍，鎮朔遙歸十萬軍。誰抱遺弓攀鶴表，賜冠空滿駿驄羣。

亭林先生寓曲沃卧病小愈走書相聞即遣使起居奉詩

澗樹東連岳樹深，先生前寓華陰相思北接太行岑。蒹葭儻觸居關興，蟋蟀偏工入冀吟。世易繁霜應有道，天留碩果定何心。晨星落落長蒿目，忍使尋盟負斷金。

王路風流縞帶長，霸圖聊託晉初鄉。遺音西國思千里，老眼中原淚數行。春逼夢隨池草綠，臘殘情引閨梅芳。曾論微祀虛邊豆，許傍新宮自築堂。先生有約居雲臺觀朱子祠內

晚晴移詩匯卷四十一

壬

道將無媿管甯幽，俗好風吹舉趾漢。時明月照傳經鳴車整，旆西歸日戶外寒融柳色青。

題無異先生顧廬

學易中年自結廬，衡門忽繫遠游車。雙飛遂合延津劍，萬卷同歸遜世書。逝水難留清漢老，名山忍對白蓮疎。還因適館移新額，淚灑西州寓目初。

呈希制軍

使相分符十二州，明公賜履冠諸侯。天包涼益開東井，地跨關河領上游。寒谷春生吹律徧，野航時帶霽暉流。躬耕久自耽林壑，望歲頻書大有秋。

秦松齡字留仙號對巖無錫人順治乙未進士改庶吉

士授檢討罷歸康熙己未召試博學鴻詞復授檢討

歷官諭德有蒼峴山人集

詩話留仙爲小峴高祖年十九入翰林賦白鶴詩應制有云高鳴常向月善舞不迎人上顧左右曰此是品者罷官後隱惠山之麓日與故人遺老唱和于阮亭爲同年嘗綴詩一編寄之題曰寄阮集

送汪君文入都時謫兵馬司指揮

省郎聞命返長安，春色鄉關曉尚寒。輦下故人誰左掖，東吳名士半南冠。豈緣罪累甘三黜，莫以詩篇傲一官。我亦如君不得意，離筵落日酒杯寬。

悟石軒翫月

高閣中夜坐，攬此山上月。目盡意未已，移步向林樾。碧草色欲無，朱華影俱白。微火出上方，清風吹片石。人語漸不聞，吾心共幽闕。靜理常在山，浮生喜爲客。清光永若茲，芳菲有消歇。

晚晴移詩匯卷四十一

壬

恭紀

世祖皇帝遺事

千騎傳呼簇玉鞍，平明西苑朔風寒。合圍親射雙鵬落，不許降王仰面看。

離宮閱武及初冬，清問還聞下九重。閩粵軍輸憂告匱，親將節省命司農。

封章夕奏早批朱，清晝譚經到日晡。講幄新移弘德殿，天人稱絕董江都。

御筆鍾王歎逼真，不將戈法借儒臣。親摹文敏書千幅，小璽朱鈴掌內人。

桃源澗

斜陽歸曲澗，薜荔暗風吹。古墓人行少，深山葉落遲。看雲



心不動愛石坐常移去住成今古寒林應未知

錢礎日先生同吳門程彥明小飲齋中各以詩贈用

韻奉答

輕風梅柳暗相催客到荒除破石苔此日一尊逢暮雨頻  
年雙淚對花開空堂木榻披書坐春水蘭舟問字來鐙火  
巖城知不禁須教明月照深杯

泊青浦

過眼青山失停橈落葉聞漁鐙明夕浦野鷺劃寒雲水氣  
孤城合人煙斷岸分不成尊酒興歸思竟紛紛

族祖按察公署中冷然亭小飲

暫作南州客招攜在綠池鄉心鐘度晚官閣雨來遲靜理  
風塵得孤懷骨肉知濃陰終日語卻似在家時

晚晴移詩匯卷四十一

三

肥遯懷徐孺卑栖憶子真可知同醉客半是倦游人乍拂  
簾旌燕將歸江渚身持尊向長者辛苦涉通津

秋水閣

山閣坐知久愛看秋水清萍開孤鶴過蓮墜小魚爭迴合  
深林碧微添落照明未窮莊叟理圓對愧吾生

支泉

不自藏深谷因人度鬱盤映空仍皎潔潤物恐艱難林影  
依山折溪聲挾雨寒那知流遠近還作二泉看

過岱下阻雪不得登

雪色凝空路百盤十年三過一登難駑駘那復勝騷俊  
鵲何當借羽翰漢時秦碑思帝子金函玉檢記祠官誰知  
泰岱春晴望轉作峩峩天半看

續和唐人惠山詩

出郭見山色日夕一青蒼清泉來玉洞更上漪瀾堂綆汲  
無寒暑冠蓋紛游翔沾灑若春雪巖石生幽光始知耳目  
異旋覺心脾香濟物固其性塵垢能相忘

春風吹山麓迴塘集游人山容自終古物情時與新草木  
何華滋水石亦鄰鄰羅綺照樓閣白日凝香塵夕磬下林  
杪翠羽歸青旻此時幽居者蕭然絕比鄰

白鶴來何方草堂多深樾清暎時一聞林巒自杳絕水檻  
開素書坐看暮雲滅石磴落紅滿山頭吐明月風簾一壑  
清道心中夜發莫使花盡掃高人有車轍

寒女歎

賣去結緣珠獨上流黃機織成雙鴛錦誰家作舞衣

晚晴移詩匯卷四十一

三

鐙火半明滅停梭聞歎聲誰知蓬鬢影舊日亦傾城

周清原字浣初一字雅楫號且朴又號蓉湖武進人監  
生康熙己未召試博學鴻詞授檢討官至工部侍郎

有司空遺集

李敬堂曰海甯范文園善相人謂武進周清原吳江  
徐鉉皆當不由科甲入翰林至己未同授檢討其言  
果驗聖祖嘗稱青原為孝子御書孝經賜之  
詩語蓉湖嘗言盛世文章當高華沈博不屑碎文頂  
義故詩亦多堂皇典麗長於應制集佚不傳僅見賜  
羽豹斑聊存其概云

康熙二十年七月二十一日賜宴瀛臺兼頒綵幣蓮

藕恭紀百韻

上苑依丹禁秋光燦御筵恭逢宸讌日慶溢太平年池柳  
籠初旭宮槐散曉煙津梁銀漢近臺殿翠微連共喜君恩

召遙隨中使傳濟蹒臨水檻覽眺坐樓船漸覺蘭橈動渾  
疑錦纜牽波明浮采鷁槎汎挾飛仙檣轉文鸞舞鳧趨細  
浪旋珠簾圓翡翠繡幄繪丹鉛荷帶翻風直荷珠拂棹圓  
仙臺初顧盼瀛海試尋沿百道如瀟澗千株盡杞梗維舟  
登輦路委珮肅官聯映日彤霞麗裁雲縟錦鮮機絲來夜  
月袞繡簇連錢御帕遙籠處天章迴爛然攜供青玉案掩  
映紫茸氈殊眷續紛下微名次第編上公先拜手百職盡  
隨肩捧出榮光散頒來表裏全製衣將粲粲束帛各戔戔  
名紙題還涇文縑看愈妍鴈行齊蹈舞綺席更明燭花下  
重茵布池頭綵幔褰人疑霄漢上坐傍水雲邊脯是麒麟  
擘甌皆琬琰珍鐫和羹隨鼎鼐香氣雜蘭茱飯煮長腰米鱗  
烹縮項鰈含情思在藻得意欲忘筌廣座容言笑長林喜

晚晴移詩匯卷四十一

五

靜便簪從螭陛撤若用鳳團煎飽德慚何補承恩未許還  
徘徊同憩石徙倚更臨淵魚戲穿波出鷗閒結伴眠紅蕖  
猶爛縵碧瀨自潺湲鼓腹蓬瀛側凝眸雲樹巔喬枝巢海  
鶴古木噪秋蟬縱覽探芳徑澄懷淨俗緣來游歌豈弟素  
食愧清漣皎皎臣心似溫溫勅語宣班行重接席珍錯復  
加邊杯罍傳三殿壺漿下九天氤氲香作霧芬飴酒如泉  
曼情懷應滿相如渴已痊勸酬來近侍斟酌遣中涓盤捧  
原承露杯深似吸川皇仁洵藹藹帝賚復惓惓燕笑干胥  
樂威儀罔或愆稱觥多譽處交鬯共纏綿晝已勤三接榮  
誠勝九遷歡呼靈沼畔盡醉至尊前耳熱猶端恪顏酡敬  
折旋匪躬恆蹇蹇舉趾覺僊僊遠樹涼颺動遙峯落照懸  
已叨金殿宴猶羨玉河蓮紫葍淩波細青房浥露堅託根

蟠太液擬壁產藍田翠蓋閒披拂瓊枝久蔓延弱莖芳芷  
伴勁節素絲纏綽約姿偏豔珠璣實更駢倚風橫凜雪帶  
月靜聯拳豈受污泥滓宜同沆瀣研菰蒲隨汎汎菱芡並  
娟娟爰速蘭舟去羣將翠蒂牽懷珠初出水拱璧已盈阡  
蕩漾停雙槳芬芳列入磚堆雲眞鬣翬積翠更蔥芊寵命  
何蕃錫分攜得自專朵頤知味美熨齒沐恩偏醉醕同懷  
惠傾葵共勉旃敢云簪絲筆漫自理歸鞭鵠鷺還容與夔  
龍任後先熙和情自洽踧踖步猶躔珍果盈懷袖縑細壓  
錦羈宴洵逾鎬洛功已奏黔滇萬里歸皇極千秋廣幅員  
西池無置馬南詔有嘯鵠版籍全通貢岡陵永不驚武功  
銘鼎卣文德靜戈鋌窮鳥猶堪憫哀鴻更足憐徵輸應暫  
緩逋賦每常捐式廓皆甯宇安流已導呀休風蘇疾苦化

晚晴移詩匯卷四十一

五

日起危顛咸凜天威肅還廣王道平虛衷勤訪洛講易獨  
尊乾精一端心學危微闡祕詮淵衷窺邃穆至治顯陶甄  
坐論追伊呂掄才簡許燕共知瞻主聖兼頌得臣賢民瘼  
羣休噢官方正矯虔平章開黼黻搏擊去鷹鷂九穗嘉禾  
實雙歧瑞麥稍簫韶常隱隱輦鼓絕閭闔泣罪舒三綱宏  
封沂八埏騶虞游大澤麟趾應春暉交泰陳無逸從游賦  
有卷章身榮纂組勵志凜禾塵雨露長承此涓埃尙闕焉  
芻蕘陪獻頌愧比上林篇

題王麓臺見山圖

雲嶺千重水一灣幾家茅屋茂林間自從王宰題詩後不  
用開門也見山

徐嘉炎字勝力號華隱嘉興人副貢康熙己未召試博



學鴻詞授檢討歷官內閣學士有抱經齋集

詩話華隱詩以才氣勝自謂始學初唐四傑中年舉力於青蓮右丞二家人都後間涉昌黎蘇陸蓋其寢饋既深途轍甚正吐屬故是不凡

丁巳新秋讌集李客部園亭送李南枝分符之武林  
水精簾卷夜光浮蓮葉田田梧葉愁燕市離筵南浦月吳  
山歸路驛亭秋客星已見雙辭闕鄉夢還驚獨倚樓醉踏  
軒轅臺畔草丁香可解結綢繆

昭化寺古羅漢松歌贈蒼巖沈師

古松千年物寄跡空桑門仙人手攜綠玉杖飛來天際盤  
雲根高臺蒼茫連崑崙紫煙青嶂浮黃昏湖山四望杳冥  
邈亭亭翠蓋沈沈心魂我來披拂松上月濤聲萬壑何超忽  
鳴絃響瀑來九天空中仙樂疑喧闐五城風雨歛而至脩

晚晴移詩匯卷四十一

壬

然欲拍洪崖肩春潭瓊草草色連冠霞裏露橫山巔人間  
甲子幾滄海誰與草木齊長年奇峯飄飄層雲煙清暉娛  
人憎忘旋深林霏霏蔽日月交柯雜沓迴芊緜松陰列坐  
有道者吳門羈客人中仙神仙中人沈夫子當年廓落青  
雲士五月披裘吳市中孤標迥出塵埃裏此地婆娑樂吾  
眞偶然相對足相親功名若勝杯中酒越水吳山亦笑人

登鷹窠頂望海中夏蓋諸山

茲山展武地海上得朝宗梵剎馴歸鳥深潭隱毒龍朱霞  
連越嶠翠蓋偃秦松南望諸峯在參差霧幾重

玉宸觀

深山樓閣擁仙官檜柏蒼蒼入殿寒廢井但從沙際識殘  
碑多半雨中看鑪煙半拂黃金座雲氣晴低白玉壇福地

久傳人不到遺蹤何處覓眞丹

陸莖字次友號義山平湖人康熙丁未進士內祕書院  
典籍已未召試博學鴻詞授編修歷官內閣學士有  
雅坪集

詩話國初師下江南義山年十四從父未庵行避兵  
未庵爲兵所得將加刃義山力求代乃倖以去越四  
年未庵赴公車訪得之百銀贖歸初以國學生授內  
宏文院中書成進士遷內祕書院典籍復舉大科入  
詞館詩有三唐矩矱伍鐵山  
稱其堅淨方雪嶼稱其雄麗

自豐城抵萬安江水大漲

春江灌漑水百堵沒滄洲釜已游魚鼈涯難辨馬牛艣聲  
來木杪帆影度城樓雙劍沈沈何處清宵起暮愁

度高嶺陳嶺

夙興越崇岡曉氣溼如露邱壑鬱迴抱登頓得坦步雖非

晚晴移詩匯卷四十一

壬

五丁鑿介然以成路云是高與陳名存迹非故茂草生峯  
巔光風爲布漫蕩漾成微波渺若水雲遇啗彼澗底松偃  
伏歎遲暮

甯都西江

停車謝塵鞅晴江蕩柔腸中有雙魚浮似挾浪花舞層雲  
吐新霞顏色美難數顚氣指東北劃然界蒼宇溪流忽如  
斷夕陽在山左晚峯鬱深翠暮靄覆村塢隱隱聞雷聲孤  
蓬戛夜雨迴溪且停橈玉璫奏今古

雙魚洲巨浸不沒  
璫溪水聲如鳴玉

大風疾行二百里過馬當小孤

厲風擊水使倒流水聲怒立爲山邱六鼇並起翻滄海盤  
渦鼎沸驅蛟蚪白日黯淡鬼神泣狂瀾震搖天地愁我行  
江中歷旬月淹留飄泊心飢渴今朝一葉飛洪濤遂使形